

Naunaiyautit kikliani Napaaqtuqaqnigata nalunaiyariagani niqlaumanigani qanurinigani atuqlugit amigaitut qiyuit aalatqiit

Naitumik Uqauhiq

Nunaqyuami Ukiuqtaqtuani atauhiq kayumiktumik unakpalianiqhaq nunani hilaqyuami, naunaiyaiyit nahuriyut unaqnigit uunakpalianiginik amigaitqiyaniq malruiqtunigani hilayuami amigainiqhani atuqtukhani 1-hanani ukiuni. Halumaitut puyuvallit tamaitaugitut unipkaami, kiheani. Taimani nunap qaraqnigit iluanit qunmut pijutaayut niglaumaniganik Nunaqyuami, atuqniqatiaqtuq ilituqhariagani tamaknik nunami inuulu pijutainik aalaguqniganik hilap. Kihiani, naitut unaqniganik/niglaumaniganik naunaipkutit uvani nunami ayuqhautayut nalunaiyariagani hivituyumik taimainiginik unaqniginik/niglaumaniginik aktuniginikluniit nunap iluanit qagaqniginik taimaniraaluk. Una havaaq pijutaunahuaq nalaunahuariagani naunaipkutit taimani hilap qanuriniganik Nunaqyuami napaaqtuqaqnigani ilituqhaqlugit napaaqtut iluit kaivyariktuinit ahiyunit napaaqtunit ukiuqtaqtuani Alaska-mi Kanatamilu kagiqhiyaagani naunaiyaklugilu unaqniganik/niglaumaniganik qanuriniginik taimaniraaluk amihuni ukiuni. Napaaqtut iluinik naunaiyagakhat ilituqhaqtauniaqtut atuqlutik “amigaitunik qiyuknik iluinik”, ukunani havaami naunaiyaiyit naunaiyaitiaqniaqut uuktaqlutit atuqlugilu hivunihijutit hilikniginik qanuriniginiklu atuni kaimalurikninuagit iluit napaaqtut unipkaaqaqmata hilap qanurinigani taimaniraaluk ukiuni atuqhimayuni. Havaarinigani uuma ilituqhautip, naunaiyaiyit Ilihaqvikiyuamit Arizona-mi, Nevada-mi, Reno-milu iliurainiaqut ilaguqaqnigni taya naunaipkutini taimani auyami hilap unaqniganik/ niglaumaniganik nalunaiqlugilu hunautilugu hivituniginiklu nunap iluanit qaraqniginik qunmut pijutaayut niglaumatqiyauniginik atuqtauvaktumit auyami unaqniganik/ niglaumaniganik. Nalunaiqtayut ilituqhautimi atuqtauniaqtut ilaliutilutik kagiqhivalirutikhanik tamaini qanuginiganik hilap Nunaqyuami taimaniraaluk ukiuni piqaliriaqtinata hilalikijutiniq ila naunaiyautinik. Havaaq ilauviuniaqtuq havaqatiriikniginik ilihappaaliquhimaqtut ilihaqtaaqhimayulu ilihagtunik, ilaqaqlunilu uqaqatiriikniginik ilihaiyit nunagiyauyuqlu Quqluqtumi, katijutauniaqtuq aalatqiinit ikayuqtiriinit nipainik ihumagiyaqaqtunik kagiqhivaaliriagani taimani hilagiyauyuq Nunaqyuami Ukiuqtaqtumi.

Havaariyaagani una ikayuqtiriigutauniaqtuq pigahunit hitamaniluniit naunaiyaiyiniq aulaariagani inikhamut ukiuqtaqtumi napaaqtuqaqniganut hinaani Quqluqtuup Kuugani. Ikayuqtiriit atuqniaqtut nunagiyauyumit tikuaqtuiyukhamik havakviuyumik tikmiakut akyaqtauyaaptikni qaniniqhamut atulirumayaptiknik naunaiyaivikhamik tikitaulaaqtumik tikmiakut qayalikmik. Aulaaqniaqtugut tilrautaqtukut Quqluqtuup Kuugavut tikilvikhaptiknut inikhami. Naunaiyainiaqtugut 30-nit 40-nut napaaqtunik atuqluta ikuutaqnik, hugautaugituq ahivaijut mikiyumik kaimaluriktunik nalruiyumik ilituraqtakhamik atuni nauhimaaqtumit napaaqtumit. Iluit ahivaqtiriagani napaaqtut ihuilujutaugituq nauhimaaqtuni napaaqtuni. Katitiriniaqtugulu ilaginik ukunanga tuqugayunit napaaqtunit talvaniitunik nunami atautimi ilagilugit napaaqtut ilituqhaqtaptikni. Havaariyumayaqut una atuliqat auyaknigani ukiup 2024-mi.